

青園詩草

四冊之二

晉園詩草



遼陽玉書著

姪亨慶編次

姪孫達裁校

送友從征

冷月彈刀鋏雄風送酒杯一聲歌去也無意賦歸來

山遊

遊客方新日山家處自然品題耽躑躅樵牧善攀緣
壑暝時嘯俚民愚日祀祆炊煙生遠岫高接白雲邊

閒題

午夢方回際風爐正熟茶庭歸春社燕欄放晚晴花
氣息消猶長襟懷泰不奢如清渣滓淨觸物自無遮

題趙誠齋新居

數楹真樸不雕鐫花鳥消除耳目緣好是春生榆柳
院放開青眼選青錢

示保慶亨慶

分陰尤切寸陰時荏苒年華莫浪移善奕不如多較
射解經殊覺勝吟詩虛聲最誤知名早壯歲先憂見

道遲世事盡從謙受益古今人患好爲師

心旣坦平身亦無累而時有險阻之夢殊不可

解口占以誌疑

高枕安眠養素忱虛窗寂寂漏沈沈何來片刻窮途
夢猶擾長年望道心

晝夢迷離夜夢清夢中究竟欠分明何如是夢同非
夢淡蕩襟懷自在行

乙未春少雨多風偶題

秘室飛塵積垢平原走石揚沙二十四番風信今春
加倍催花

村居所見

曉度東南畝晨餐農圃家自沽村店酒人羨帝都
茶社廟遊慵婦春園賞菜花細民方貴食禾黍不桑
麻

其二

八口室家累隻身數畝田所求惟一飽服力勤經年

稅賦愁追比親賓客往還課晴兼計雨萬姓聽於天
其三

春作勞無極秋成願未休趁墟隨驥尾負版覓蠅頭
公賦官衙納私租業主收且籌卒歲計難爲子孫憂

其四

秋稔富於春陶然盛世民雞豚方自勞積委倩傭
巡鐙火村臺劇香花社廟神田夫偕婦子懽躍頌

皇仁

樂育堂秋夜旅次偶題

冷月乍移人靜後
疎鐘恰到夢迴初
料應刀尺鐙窗下
兒女相隨正讀書

齋近園林鴉鵲日聒耳畔偶題

福胎禍基豈茫茫
心樂身安固有方
鵲噪鴉鳴皆本性
不關人世有災祥

福安寺前明閩人張某建並附墓於側妄覲藉

之以不朽愚哉占五韻題於殘碣之陰

巍峩廟貌墓爲隣
剖盡民脂媚鬼神
此輩蓋棺誰定
論當年祈福蔭
何人牛羊蔓草
徒遊牧花鳥荒
原自賞春文獻
可憐前代盡爭
教宦寺不成塵

秋夜題

夢以秋深減香
因夜永微析聲
風斷續窗色月
依稀衾影思惟
慎身心養不違
好存平旦氣一
點現天機

樂育堂偶題

共賦生成性同
瞻物我春慈
猫常遜鼠
馴犬不讐賓

卉木因時茂
童蒙待化醕
賢愚成一致
盈絀事維均

詠夢

來由感觸去迷離
隱約殘鐙斜月時
花影臨窗窺化境
篆煙襲帳寄遐思
功名熱念晨炊急
雲雨癡魂夜度遲
是幻是真同是妄
何須斟酌細論之

小院偶題

晝永清和月春榮
長養天鋤花新雨
後側帽午風前
酒薄餘詩味窗虛
起茗煙有生惟樂
易苟美不求全

春郊卽事

遠村附郭徑欹斜杖履蕭然玩物華
春色有情先著柳東風無語暗催花
行看白鳥驚漁艇止現青帘辨酒家
遊興未闌人待渡芒鞋和露印明沙

樂育堂有談元者感題

人世皆予智其如擇術愚自甘誣道義
良苦務虛無牛鬼蛇神錄縑流老氏徒
千年嗤漢武助長揠苗夫

廢寺

泥胎木偶總稱伸作俑千年誤四民丈六金身猶暴
露不知錫福蔭何人

門無香火任噓饑風雨秋深冷衲衣已旣不容明盛
世何如收拾且西歸

甲午五月題以誌喜

漸漸年華望古稀桑榆蔭綠帶斜暉相看莫厭門庭
老王謝堂前乳燕飛

清和佳氣弄晴暉
徑轉湖山入翠微
人靜偶聞棋子落
窗虛不礙燕雛飛
飄零紅雨花陰瘦
蒸蔚青煙草色肥
猶憶酒闌茶竈冷
依稀前度送春歸

西郊卽景

鳥語人聲靜不聞
平橋沙岸絕塵氛
花殘綠草餘春色
水盡青山接暮雲
仙館神洲瞻北極
葛衣紈扇待南薰
試看農父耕耘樂
五穀時分四體勤

恆敏齋館中見饌食多菜少葷戲題

卷二
葑薤菰葵藿相煩肉作和只疑花落後紅少綠陰多

其二

道隆從而隆道否從而否莫以素餐譏恐以肉食鄙

敬修齋題

遠寺疎鐘斷續聲幽香一縷篆衣輕夢回詩思殊清
絕一枕虛窗霽月明

東郊

喜霽青和鳥雀曉拌將蠟屐映青泥一泓新漲平橋

丁酉疊晴山老樹西欵乃漁歌來渡口明啻笛韻出
樓臍興酣不計歸途晚高抹殘霞日影低

廢寺題

天下本無事何年忽有寺再經幾劫塵依舊精光地

蟠桃宮卽事

在南城三月三日勝會
士女如雲戲題以紀之

滿目鶯花月正三連朝車馬動城南喧聲沸鼎兒童
喜春色縈懷士女耽未洗塵心朝王母因干世福禮
香曇只疑天上瑤池會應勝人閒愛欲貪

見勉善堂館中桃李感開偶題一絕以勉諸生
之出於農工商賈者

天地無私雨露催發舒長養自栽培百般紅紫春風
徧得意花開不僅梅

八景

太液秋風玉泉垂虹瓊島春陰蘆溝曉月
薊門煙樹金台夕照居庸疊翠西山晴雪

太液平鋪寶鑑開玉泉一脉自天來春歸瓊島雲陰
靄月渡蘆溝曉氣催欲老薊門惟土阜試尋燕境賸

金臺凭高翠疊居庸路遙指西山霽雪堆

寓法華寺題

乃聖之徒對乃神禪牀雪案日相親詩書悟後經綸
遠衣鉢傳來面目真志士暢談天下事奇僧不計眼
前身千年變局知誰是欲起名賢仔細詢

風鐸

癸亥寓法
華寺題

殿角樓巔斷續聲好隨鐘磬辨分明長天靜極來風
信永夜聽殘觸客情鶴夢不驚增別緒龍吟欲和不
平鳴花蹊柳徑兜宮遠幾點依稀玉漏清